

## Paerewa Paetae

<b>Aronga</b>	Hauora 3.3		
<b>Ingoa</b>	Te whakarite i tētahi kaupapa tiaki taiao i runga anō i tā te Māori titiro		
<b>Kaupae</b>	3	<b>Whiwhinga</b>	3
		<b>Aromatawai</b>	Ā-roto
<b>Marau akoranga</b>	Te Marautanga o Aotearoa		
<b>Kokonga akoranga</b>	Hauora – Wāhanga Ako		
<b>Mana rēhita</b>	Kua rēhitatia	<b>Te rā i mana ai</b>	17 Whiringa-ā-rangi 2016
<b>Te rā e arotakengia ai</b>	31 Hakihea 2020	<b>Te rā i puta ai</b>	17 Whiringa-ā-rangi 2016

### Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

### Whāinga Paetae

*Hononga ki a Ranginui rāua ko Papatūānuku*

1 *Ka whakarite i tētahi kaupapa tiaki taiao o te rohe, o te motu, o te ao rānei mai i te tirohanga Māori, mā tētahi rōpū kaitiaki.*

*Waiora, Tupuranga*

2 *Ka āta arotake i ētahi raraunga hei āwhina i te whakatakoto rautaki e ora ai te tangata i ēnei rā me ngā rā kei te heke iho.*

E hono ana ki te Papa Whakaako mō te Hauora kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

### Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

**Paerewa Paetae**

<p><b>Paetae</b> Te whakarite i tētahi kaupapa tiaki taiao i runga anō i tā te Māori titiro.</p>	<p>Hei tohu i te paetae:</p> <ul style="list-style-type: none"> <li>• Ka whakamahere i te kaupapa.</li> <li>• Ka tautohu i ngā hua me te take i whiriwhiria ai te momo kaupapa.</li> <li>• Ka tautohu i ngā wāhanga o te kaupapa i ahu mai i tā te Māori titiro.</li> <li>• Ka taunaki i ngā whakaaro.</li> </ul>
<p><b>Kaiaka</b> He kaiaka te whakarite i tētahi kaupapa tiaki taiao i runga anō i tā te Māori titiro.</p>	<p>Hei tohu i te kaiaka:</p> <ul style="list-style-type: none"> <li>• Ka whakamahere i te kaupapa e mārama ai te hunga pānui, hunga whakarongo rānei.</li> <li>• Ka whakamārama i ngā hua me te take i whiriwhiria ai te momo kaupapa.</li> <li>• Ka āta whakamārama i ngā wāhanga o te kaupapa i ahu mai i tā te Māori titiro.</li> <li>• Ka whakamahi i ngā taunakitanga e hāngai ana ki te kaupapa.</li> </ul>
<p><b>Kairangi</b> He kairangi te whakarite i tētahi kaupapa tiaki taiao i runga anō i tā te Māori titiro.</p>	<p>Hei tohu i te kairangi:</p> <ul style="list-style-type: none"> <li>• Ka āta whakatakoto i te mahere e mārama rawa ai te hunga pānui, hunga whakarongo rānei.</li> <li>• Ka āta whakatakoto i ngā whakaaro mō te take i whiriwhiria ai te momo kaupapa kia mārama tonu te kitea.</li> <li>• Ka matapaki i ngā hua o te kaupapa me te hononga ki ngā wāhanga i ahu mai i tā te Māori titiro.</li> <li>• He nanakia te whakamahi i ngā taunakitanga hei tautoko i ngā whakaaro.</li> </ul>

**Kōrero Āpiti**

E whai ake nei ko ngā whakamārama o ngā tino kupu, kīanga rānei:

<p>kaupapa tiaki taiao</p>	<p>Koinei ētahi kaupapa tiaki taiao hei whakaaro mā te ākongā:</p> <ul style="list-style-type: none"> <li>• te hangarua</li> <li>• ngā tikanga tiaki i a Tangaroa, hei tauira, ko te rāhui, te whāomoomo mātaitai, te taiāpure, te āpure moana</li> <li>• te whakaora i ngā repo</li> <li>• te tiaki i ngā awa, hei tauira, ko te tiaki i ngā puna wai me ngā pūnaha hauropi taketake</li> <li>• te whakatipu rākau, aha atu, hei tauira, ki ngā whenua rāhui me ngā repo</li> <li>• ngā papa rāhui me ngā mahi pārekareka i waho, hei tauira, ko te whaiwhai kararehe, ko ngā ara hīkoi</li> <li>• te tiaki i ngā tamariki a Tāne, hei tauira, mā te rāhui whenua me te pāketu i ngā tarutaru urutomo</li> <li>• te atawhai, hei tauira, ngā tikanga o te whāomoomotanga, te aukati i ngā mōrea ā-koiora.</li> </ul>
----------------------------	---

tā te Māori titiro	Ko ngā āhuatanga pēnei i ngā tikanga, ngā kawa, ngā uara, ngā waiaro, ngā whakapono e āta hāpaitia ana, e arohia ana e te Māori.
āta whakatakoto	Ko te āta whakarite, āta whakaraupapa i ngā whakaaro e pai ai te kōkiri i te kaupapa.
nanakia	Ka whai huarahi kē atu e tutuki ai te whāinga.

## Kuputaka:

āpure moana

marine reserve

pāketu

clear away

pūnaha hauropi taketake

established ecosystem

taiāpure

coastal reserve

tarutaru urutomo

invasive weed(s)

te aukati i ngā mōrea ā-koiora

biosecurity

whāomoomotanga

sustainability

whaiwhai kararehe

hunting

**Tātari Kounga**

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233